

საქართველოს ეკონომიკისა და მდგრადი განვითარების სამინისტროს საზღვაო ტრანსპორტის სააგენტოს დირექტორის

ბრძანება №60
2024 წლის 19 აგვისტო

ქ. ბათუმი

ადმინისტრაციულ სამართალდარღვევათა საქმეებთან დაკავშირებული საჯარიმო ქვითრის ფორმის, მისი შევსების, გამოყენების, აღრიცხვისა და ანგარიშგების წესის დამტკიცების შესახებ

საქართველოს კანონი „საქართველოს ადმინისტრაციულ სამართალდარღვევათა კოდექსი“ 212-ე მუხლის, „მკაცრი აღრიცხვის ფორმების შესახებ“ საქართველოს კანონის, „ნორმატიული აქტების შესახებ“ საქართველოს ორგანული კანონის მე-20 მუხლისა და „საჯარო სამართლის იურიდიული პირის – საზღვაო ტრანსპორტის სააგენტოს დებულების დამტკიცების თაობაზე“ საქართველოს ეკონომიკისა და მდგრადი განვითარების მინისტრის 2011 წლის 14 აპრილის №1-1/585 ბრძანებით დამტკიცებული დებულების მე-4 მუხლის მე-2 პუნქტის „დ“ ქვეპუნქტის შესაბამისად, ვბრძანებ:

მუხლი 1

დამტკიცდეს თანდართული ადმინისტრაციულ სამართალდარღვევათა საქმეებთან დაკავშირებული საჯარიმო ქვითრის ფორმის, მისი შევსების, გამოყენების, აღრიცხვისა და ანგარიშგების წესი.

მუხლი 2

ბრძანება ამოქმედდეს 2024 წლის 25 აგვისტოდან.

სსიპ საზღვაო ტრანსპორტის
სააგენტოს დირექტორი

ალექსი ახვლედიანი

ადმინისტრაციულ სამართალდარღვევათა საქმეებთან დაკავშირებული საჯარიმო ქვითრის ფორმის, მისი შევსების, გამოყენების, აღრიცხვისა და ანგარიშგების წესი

მუხლი 1. წესის რეგულირების საგანი

ეს წესი განსაზღვრავს საქართველოს ეკონომიკისა და მდგრადი განვითარების სამინისტროს საჯარო სამართლის იურიდიული პირის – საზღვაო ტრანსპორტის სააგენტოს (შემდგომში – სააგენტო) მიერ საქართველოს კანონი „საქართველოს ადმინისტრაციულ სამართალდარღვევათა კოდექსით“ გათვალისწინებული სამართალდარღვევებისთვის საჯარიმო ქვითრის (შემდგომში – საჯარიმო ქვითარი) ფორმის, მისი შევსების, გამოყენებისა და აღრიცხვა-ანგარიშგების წესს.

მუხლი 2. საჯარიმო ქვითრის შედგენაზე უფლებამოსილი პირი

- საჯარიმო ქვითრის შედგენის უფლებამოსილება აქვს სააგენტოს დირექტორის ინდივიდუალურ სამართლებრივი აქტით განსაზღვრულ პირებს.
- საჯარიმო ქვითარი იმავდროულად წარმოადგენს ადმინისტრაციული სამართალდარღვევის ოქმს.
- საჯარიმო ქვითრის ფორმა დამტკიცებულია დანართი №1-ის შესაბამისად.

მუხლი 3. საჯარიმო ქვითრის შევსება და მისი შინაარსი

- საჯარიმო ქვითარი ივსება საქართველოს კანონის „საქართველოს ადმინისტრაციულ სამართალდარღვევათა კოდექსის“ 129-ე მუხლით (საზღვაო ტრანსპორტზე ჩადენილი სამართალდარღვევებისათვის) და 130-ე მუხლის მე-2 და მე-3 ნაწილებით (საზღვაო ტრანსპორტზე ჩადენილი დარღვევებისათვის) გათვალისწინებულ ადმინისტრაციულ სამართალდარღვევებზე.
- უფლებამოსილი პირი ამ მუხლის პირველი პუნქტით გათვალისწინებულ ადმინისტრაციულ



სამართალდარღვევის საქმეს ადგილზე განიხილავს და დამრღვევს ადგილზე შეუფარდებს ადმინისტრაციულ სახდელს.

3. საჯარიმო ქვითარი შედგება ორ ეგზემპლარად, რომელთაგან პირველი ეგზემპლარი რჩება უფლებამოსილ პირთან, ხოლო მეორე ეგზემპლარი გადაეცემა დამრღვევს.

4. საჯარიმო ქვითარი შედგება ორი ნაწილისაგან:

ა) ნაწილი I – საჯარიმო ქვითარი;

ბ) ნაწილი II – საჯარიმო ქვითრის ყუა.

5. საჯარიმო ქვითრის შევსებისას აღინიშნება:

ა) შედგენის თარიღი (რიცხვი, თვე, წელი);

ბ) შედგენის ადგილი (მისამართი);

გ) ოქმის შემდგენლის თანამდებობა, სახელი, გვარი;

დ) სამართალდამრღვევის მონაცემები (ფიზიკური პირის შემთხვევაში მიეთითება: სახელი, გვარი, პირადი ნომერი და მისამართი; იურიდიული პირის შემთხვევაში – სამართლებრივი ფორმა, დასახელება, საიდენტიფიკაციო კოდი და მისამართი);

ე) სამართალდარღვევის ჩადენის ადგილი, დრო და არსი;

ვ) საქართველოს ადმინისტრაციულ სამართალდარღვევათა კოდექსის მუხლი;

ზ) ჯარიმის ოდენობა;

თ) მიმღები მოლარე;

ი) დამრღვევის ახსნა-განმარტება;

კ) მონაცემები იმ დოკუმენტების თაობაზე, რომელიც ოქმს თან ერთვის;

ლ) მოწმის (ასეთის არსებობის შემთხვევაში) სახელი, გვარი და პირადი მონაცემები;

მ) შენიშვნა;

ნ) ოქმის შემდგენლის, მოწმისა და სამართალდამრღვევის ხელმოწერა, ასევე ხელმოწერა, ხელმოწერაზე ან ქვითრის ჩაბარებაზე უარის თქმის შესახებ აღნიშვნა.

6. საჯარიმო ქვითრის ყუა ივსება საბანკო დაწესებულების ან საჯარიმო თანხის შემტანის მიერ საჯარიმო ქვითრის შესაბამისად.

7. საჯარიმო ქვითარი შეიცავს ბეჭდის ადგილებს. იმ ადგილზე, რომელიც თანაბრად ფარავს საჯარიმო ქვითრის ორივე ნაწილს, ბეჭედი დაისმება უფლებამოსილი პირის მიერ, რომლებიც ავსებს საჯარიმო ქვითარს, ხოლო დანარჩენ ადგილებზე ბეჭედი დაისმება საბანკო დაწესებულების მიერ.

8. საჯარიმო ქვითარი ივსება ლურჯი ან შავი ბურთულიანი კალმით. ყველა ჩანაწერი კეთდება გარკვევით. დაუშვებელია გადახაზვა, გადაფხევა, გადაშლა და ა.შ. საჯარიმო ქვითრის დაზიანების ან მასში არასწორი მონაცემების შეტანის შემთხვევაში ივსება ახალი. დაზიანებული ან არასწორად შევსებული საჯარიმო ქვითარი ჩამოიწერება დადგენილი წესით.

9. დამრღვევს უნდა განემარტოს ადმინისტრაციულ სამართალდარღვევათა კოდექსის 252-ე მუხლით გათვალისწინებული მისი უფლებები და მოვალეობანი.



10. საჯარიმო ქვითარს ხელს აწერს მისი შემდგენი და ადმინისტრაციული სამართალდარღვევის ჩამდენი. თუ არიან მოწმეები, საჯარიმო ქვითარს შეიძლება ხელი მოაწერონ ამ პირებმაც.

11. თუ დამრღვევი უარს ამბობს ხელმოწერაზე ან არ იმყოფება ადგილზე, ამის შესახებ კეთდება შესაბამისი ჩანაწერი.

12. სამართალდამრღვევი პირი უფლებამოსილია წარადგინოს საჯარიმო ქვითარზე თანდასართავად ახსნა-განმარტებები და შენიშვნები საჯარიმო ქვითარის შინაარსთან დაკავშირებით, ასევე, ახსნას ხელმოწერაზე უარის თქმის მოტივები.

მუხლი 4. საჯარიმო ქვითარების აღრიცხვა-ანგარიშგება

1. საჯარიმო ქვითარის ბლანკი წარმოადგენს მკაცრი აღრიცხვის დოკუმენტს, იბეჭდება სტამბური წესით და სააღრიცხვო სერიით. საჯარიმო ქვითარის ბლანკების დამზადების ორგანიზებას სააგენტო ახორციელებს დამოუკიდებლად, საქართველოს კანონმდებლობის შესაბამისად შერჩეულ პოლიგრაფიულ საწარმოში.

2. საჯარიმო ქვითარის ბლანკები უნდა ინახებოდეს ცეცხლგამძლე სეიფში ან კარადაში.

3. საჯარიმო ქვითარის ბლანკების აღრიცხვასა და გაცემას ახორციელებს შესაბამისი პასუხისმგებელი პირი.

4. ოქმის გაცემა ხორციელდება საჯარიმო ქვითარის შენახვაზე პასუხისმგებელი პირის მიერ. საჯარიმო ქვითარების გადაცემა უნდა დაფიქსირდეს საჯარიმო ქვითარების – გასავლის ჟურნალში (დანართი №2).

5. საჯარიმო ქვითარის მიღებაზე და შემდგომ მის განაწილებაზე პასუხისმგებელი პირი, თავის მხრივ, ვალდებულია საჯარიმო ქვითარის გაცემა, დაბრუნება, გაუქმება აღრიცხოს საჯარიმო ქვითარის აღრიცხვის ჟურნალში (დანართი №3).

6. ჟურნალების ფურცლები ინომრება რიგითობის მიხედვით. ჟურნალის გარეკანი და ფურცლები უნდა იქნეს ზონარგაყრილი. ამასთან, ზონარის კვანძზე ეკვრება ეტიკეტი, რომელიც მოწმდება სააგენტოს ბეჭდით.

7. ჟურნალებში ყველა ჩანაწერი კეთდება ლურჯი ან შავი ბურთულიანი კალმით.

8. ჟურნალებში არ დაიშვება ჩანაწერის გადაფხეკა, ჩასწორება ან ადრე გაკეთებული ჩანაწერების ჩასწორება და მოშორება კორექტორის მეშვეობით. უზუსტო ჩანაწერი გადაიხაზება ერთი ხაზით ისე, რომ ნათლად ჩანდეს ადრე დაწერილი ტექსტი, ახალი ჩანაწერი კეთდება ჟურნალის იმავე გრაფაში, ხოლო გრაფაში „შენიშვნა“ აღრიცხვის მწარმოებელი პასუხისმგებელი პირი აკეთებს შესაბამის ჩანაწერს.

9. იმ შემთხვევაში, თუ კალენდარული წლის განმავლობაში წარმოებული საქმეების რეგისტრაციისთვის ერთი ჟურნალი აღმოჩნდება არასაკმარისი, იხსნება ახალი ჟურნალი, რომელიც წარმოადგენს პირველის გაგრძელებას.

მუხლი 5. გამოსაყენებლად უვარგისი საჯარიმო ქვითარების ჩამოწერა

1. საჯარიმო ქვითარები გამოსაყენებლად უვარგისად ჩაითვლება:

ა) შედგენის დროს დაშვებული შეცდომების გამო;

ბ) საჯარიმო ქვითარის ფიზიკური დაზიანების გამო;

გ) საქართველოს კანონმდებლობით გათვალისწინებულ სხვა შემთხვევებში.

2. გამოსაყენებლად უვარგისი საჯარიმო ქვითარების ჩამოწერა უნდა მოხდეს ჩამოწერის აქტის



(დანართი №4) შესაბამისად. გამოსაყენებლად უვარგისი საჯარიმო ქვიტორის ექსკლუზიური ნუმერაცია შეტანილი უნდა იქნეს მკაცრი აღრიცხვის ფორმების (დოკუმენტების) ჩამოწერის აქტში.

3. გამოსაყენებლად უვარგისი საჯარიმო ქვიტორების უტილიზაცია ხორციელდება საქართველოს კანონმდებლობის შესაბამისად.

მუხლი 6. საჯარიმო ქვიტორის შინაარსი და დამცავი ნიშნები:

1. ქვიტარში შეიტანება საქართველოს ადმინისტრაციულ სამართალდარღვევათა კოდექსით გათვალისწინებული მონაცემები.

2. ქვიტარი შეიცავს შემდეგ დამცავ ნიშნებს:

ა) გილიოშური, რელიეფური დამცავი ბადე;

ბ) ექსკლუზიური ნუმერაცია (არანაკლებ 6 ციფრისა), რომელიც ულტრაიისფერი სხივების ქვეშ გამოსცემს ლუმინესცენციას;

გ) ხაზის მაგივრად გამოყენებულია მიკროშრიფტი, სადაც იკითხება: საზღვაო ტრანსპორტის სააგენტო.

